

# КАНОН РОЖДЕСТВУ ХРИСТОВУ

Празднуем 25 декабря (7 января)

Тропарь, глас 4-й

Рождество Твое Христэ Бóже наш, возсия мiрови свет рáзума, в нем бо звездам служащии, звездою учахуся, Тебé клáняются Сóлнцу правды, и Тебé вéдети с высоты востока, Гóсподи, слава Тебé.

## Канон, глас 1-й

Песнь 1

*Ирмос:* Христос раждáется, славите; Христос с небес, срящите; Христос на земли, возноситея. Пойте Гóсподеви вся земля, и веселием воспойте людие, яко прославися.

Припев: *Слава, Гóсподи, Святому Рождеству Твоему.*

Истлéвша преступлénием, по Бóжию óбразу бýвшаго всего тлénия сýща, лúчшия отпáдша Божéственныя жiзни, пáки обновляет Мúдрый Содéтель, яко прославися.

*Слава, Гóсподи, Святому Рождеству Твоему.*

Вiдев Зиждитель гiблема человека, руками егоже созда, приклонив небеса сходит. Сего же от Дéвы Божéственныя Чiстыя, всего осуществует, воистинну воплощся, яко прославися.

*Слава:* Мúдрость, Слово и Сiла, Сын сый Отчий и Сияние, Христос Бог, сил утайвся, елико премiрных, и елико на земли, и вочеловéчься обновил есть нас, яко прославися.

*И ныне:* Тóйже.

Песнь 3

*Ирмос:* Прéжде век от Отца рождéнному нетлénно Сыну, и в послéдня от Дéвы воплощéнному безсéменно, Христу́ Бóгу возопиим: вознесый рог наш, Свят еси́ Гóсподи.

*Слава, Гóсподи, Святому Рождеству Твоему.*

Иже дохновéния причáщся лúчшаго Адам пёрстный, и к тлénию поплóзся жéнскою лéстию, Христа́ от Жены́ видя, вопиёт: Иже менé ради по мне быв, Свят еси́ Гóсподи.

*Слава, Гóсподи, Святому Рождеству Твоему.*

Сообразен брénному умалéнию растворéнием Христé быв, и причáстием плóти гóршия, подав Божéственного естества́, зéмлен быв, и пребыв Бог, и возвысивый рог наш, Свят еси́ Гóсподи.

*Слава:* Вифлеэме веселися, князéй Иúдовых сый Царь: Израiля бо пасый, на рáмех Херувiмских, из Тебé прóйде Христос я́ве: и вознесый рог наш, над всéми воцарiся.

*И ныне:* Тóйже.

Господи, помилуй. (Трижды.) Слава, и ныне:

#### Ипакои, глас 8-й

Начаток языков, небо Тебе принесё, лежащему Младенцу во яслех, звездою волхвы призывый, яже и ужасаше, не скиптры и престолы, но последняя нищета: что бо худше вертепа, что же смиреннее пелён? В нихже просия Божества Твоего богатство: Господи, слава Тебе.

#### Песнь 4

*Ирмос:* Жезл из корене Иессеова, и цвет от него Христё, от Дёвы прозябл еси, из горы хвальный приосененныя чащи, пришёл еси воплощся от Неискусомужныя Невещественный и Бóже: слава силе Твоёй, Господи.

*Слава, Господи, Святому Рождеству Твоему.*

Егоже древле прорече Иаков, языков ожидание Христё, от колена Иудова возсиял еси, и силу Дамаскову, Самарийскую же корысть пришёл еси испроврещи, леств пременяя в веру боголепну: слава силе Твоёй, Господи.

*Слава, Господи, Святому Рождеству Твоему.*

Волхва древле Валаама словес ученики, мудрыя звездоблюстители, радости исполнил еси, звезда от Иакова возсияв Владыко, языков начаток вводимый, приял же еси яве: слава силе Твоёй, Господи.

*Слава:* Яко на руно во чрево Дёвы шел еси дождь Христё, и яко капли на землю каплющая. Ефиопиа и Фарсис, и Аравийстии острови же, Сава, Мидов всю землю держащии, припадоша Тебе, Спасе: слава силе Твоёй, Господи.

*И ныне:* Тóйже.

#### Песнь 5

*Ирмос:* Бог сый мира, Отец щедрот, Великаго Совета Твоего Ангела, мир подавающа послал еси нам: тем Богоразумия к свету наставьшеса, от ноши утреннююще, славословим Тя, Человеколюбче.

*Слава, Господи, Святому Рождеству Твоему.*

В рабех кесаревым повелением написатися покорься, и нас рабы сущия, врага и греха свободил еси Христё; весь же по нам обнищав, и перстнаго от самаго единения и общения богосоделал еси. (Дважды.)

*Слава:* Се Дёва, якоже древле рече, во чреве приёмши родила есть Бóга вочеловечшася, и пребывает Дёва. Еяже ради примирившеса Бóгу грешнии, Богородицу сущую воистинну вернии воспойм.

*И ныне:* Тóйже.

#### Песнь 6

*Ирмос:* Из утробы Иону младенца изблева морской зверь, якова прият: в Дёву же всельшеся Слово, и плоть приёмшее, пройде сохраншее нетленну. Егоже бо не пострадá истления, Рóждшую сохрани неврежденну.

*Слава, Господи, Святому Рождеству Твоему.*

Прииде воплощся Христос Бог наш из чрева, Егоже Отец прежде денницы раждает: правления же держá пречистых сил, в яслех скотиях возлежит, и пеленами повивается, разрешает же многоплетенныя пленницы прегрешений.

(Дважды.)

*Слава:* Юно из Адама Отроча смешения, родися Сын, и верным дадеся; будущаго века сей есть Отец и Начальник, и нарицается Великаго Совета Ангел: Сей Крепок Бог есть, и держай областию всю тварь.

*И ныне:* Тойже.

Господи, помилуй. (Трижды.) Слава, и ныне:

### Кондак, глас 3-й

Дева днесь Пресущественнаго раждает, и земля вертеп Неприступному приносит. Ангели с пастырьми славословят, волсви же со звездою путешествуют: нас бо ради родися Отроча младо, Превечный Бог.

### Икос

Едем Вифлеем отверзе, приидите видим, пищу в тайне обретохом: приидите, приимем сущая райская внутри вертепа. Тамо явися корень ненапоен, прозябая отпущение: тамо обретесе кладязь неископан, из негоже Давид пити древле возжадася. Тамо Дева рождши Младенца, жажду устави абие Адамову и Давидову. Сего ради к Немю идем, где родися Отроча младо, Превечный Бог.

### Песнь 7

*Ирмос:* Отроцы благочестию совоспитани, злочестиваго веления небрегше, огненнаго прещения не убояшася, но посреди пламене стояще пояху: отцев Боже благословен еси.

*Слава, Господи, Святому Рождеству Твоему.*

Пастырие свиряюще, ужасно светоявление получиша: слава бо Господня облистала их, и Ангел, воспойте, вопия: яко родися Христос, отцев Бог Благословенный.

*Слава, Господи, Святому Рождеству Твоему.*

Внезапу с словом Ангеловым небесная воинства, слава, вопияху, Богу в вышних, на земли мир, в человецех благоволение: Христос возсия, отцев Бог Благословенный.

*Слава:* Глагол что сей, рекоса пастырие? Прешедше увидим бывшее, Божественнаго Христа. Вифлеема же дошедше, с Рождшею поклоняхуся, воспевающе, отцев Боже благословен еси.

*И ныне:* Тойже.

### Песнь 8

*Ирмос:* Чуда преестественнаго росодательная изобрази пещь образ, не бо яже прият палит юныя, яко ниже огонь Божества Девы, в Нюже вниде утробу. Тем воспевающе воспоем: да благословит тварь вся Господа и превозносит во вся веки.

*Слава, Господи, Святому Рождеству Твоему.*

Влечет вавилоня дщи отроки плененныя Давидовы от Сиона к себе, дароносцы же слет волхвы дети, Давидове Богоприятней Дщери молящияся. Тем воспевающе воспоем: да благословит тварь вся Господа, и превозносит во вся веки.

*Слава, Господи, Святому Рождеству Твоему.*

Органы уклоніша плачѣвныя пѣсни, не пояху бо в земли чуждѣй ѡтроцы Сиѡновы: вавилѡнскую же разрешает леств всю и мусикійскія составы, в Вифлеѣме возсияв Христѡс. Тем воспѣвающе воспѡим: да благословит тварь вся Гѡспода, и превозносит во вся вѣки.

*Слава:* Корысти Вавилѡн царства Сиѡня, и пленѣнное богатство пріят: сокровища же Христѡс в Сиѡн сегѡ, и цари звездѡю наставляя звездоблюститѣли влечѣт. Тем воспѣвающе воспѡим: да благословит тварь вся Гѡспода и превозносит во вся вѣки.

*И ныне:* Тѡйже.

## Песнь 9

*Ирмос:* Таинство странное вижу и преславное; небо, вертеп; Престол Херувимский, Дѣву; ясли, вместилище, в нихже возлеже невместимый Христѡс Бог, Егѡже воспѣвающе величаем.

*Слава, Гѡсподи, Святому Рождеству Твоему.*

Изрядное течѣние зряще волсви необычныя новыя звезды новосияющія, небеса просвѣщающія, Христа Царя знаменующія на земли рѡждшагося в Вифлеѣме на спасѣние наше.

*Слава, Гѡсподи, Святому Рождеству Твоему.*

Новорожденное, волхвом глаголющим, Отроча Царь, Егѡже звезда яви, где есть? Тому бо поклонится приидѡхом; яряся Ирод смущашеся, Христа убити, богоборец шатаеся.

*Слава:* Испыта Ирод время звезды, еяже вождѣнием волсви в Вифлеѣме поклоняхуся Христу с дары; еюже ко отечеству наставляеми, лютаго детоубийцу оставиша поругана.

*И ныне:* Тѡйже.

## Задостойник

Любити убо нам, яко безбѣдное страхом, удобѣе молчаніе, любовію же Дѣво, пѣсни ткати спротяженно сложенныя, неудобно есть: но и Мати, силу, елико есть произволѣние, даждь.